

VERARDI FABRICII *Gailius Enuclatus*, Colonia, 1697. 4. omnibus maxime est necessarius, quippe ad singulas Gailii observationes, sententias Ictorum clarissimorum dissentientium, & praxin hodiernam notat. In sententiarum quoque quæ in foris receptæ, Decisionibus eminent DAVIDIS MEVII *Decisiones summi Tribunalis Wismariensis*, & in Terris Saxonis præcipue BENEDICTI CARPZOVII *Definitiones*, & MATTHIÆ BERLICHII *Conclusiones*, qui Patres dici solent Practicorum.

*Ius Crimi-  
nale.*

§. XVIII. In *Iure Criminali* compendium præbet PETRI MULLERI *Iurisprudencia Criminalis*, Ienæ 1701. 4. Plenius vero Systema est PETRI THEODORICI *Collegium Criminale*, ex editione & cum adiunctis dissertationibus beati Parentis, Ienæ 1671. 4. Addi potest IOANNIS BAPTISTÆ VULPINII *succus ex operibus Farinacii*, Lugduni 1687. f. cum ipsa Opera Farinacii maioris sint molis, & quantum ad Criminalem Processum Saxonicum BENEDICTI CARPZOVII *Practica Criminalis*, Wittebergæ 1709. f. hic enim Pater Criminalistarum vulgo habetur, licet multa proferat, quæ hodie non amplius sint in usu. In ipso Processu adhibendus BENED. CARPZOVII *Achts-Process*, & qui certa adhuc parte præualet *Processus Criminalis Altenburgensis*. Nuper CHRISTIANVS IACOBVS HEIL *Indicem & Defensorem in Processu Inquisitionis seu Tractatum Criminalem Theoretico - Practicum*, Lipsiæ 1717. 4. edidit, qui Liber hoc in argumento sane est egregius & in Praxi versaturis per-